



Apríl 2022

HVATARBLADIÐ





522. fundur 2. mars 2022 kl. 09:00 - 11:40 Stjórnsýsluhúsinu Borg



Sveitarstjórn

- Ása Valdís Árnadóttir
- Björn Kristinn Pálmarsson
- Smári Bergmann Kolbeinsson
- Ingibjörg Harðardóttir
- Ragnheiður Eggertsdóttir í fjarveru Bjarna Þorkelssonar

Fundargerðin var færð í tölvu og hana ritaði Ása Valdís Árnadóttir

Oddviti leitar afbrigða.
Samþykkt samhljóða
a) Umboð oddvita.

1. Fundargerðir.

a) Fundargerð 234. fundar Skipulagsnefndar Uppsveita, 25. febrúar 2022.

Mál nr. 11, 12, 13, 14, 15 og 27 þarfnast staðfestingar sveitarstjórnar.
Lögð fram 234. fundargerð Skipulagsnefndar Uppsveita, dagsett 25. febrúar 2022. Eftirfarandi dagskrárliðir þarfnast afgreiðslu sveitarstjórnar;

Mál nr. 11: Neðan-Sogsvegur 14 L169341; Gestahús; Niðurrif; Frestun; Fyrirspurn – 2111077.

Lagt er fram erindi er varðar beiðni um frestun ákvörðunar um niðurrif gestahúss á lóð Neðan-Sogsvegur 14 L169341.

Ein af forsendum á útgáfu byggingarleyfis fyrir nýju húsi á lóðinni var sú að eldra húsið sem um ræðir yrði fjarlægt af lóðinni. Sveitarstjórn synjar því samhljóða beiðni um frestun ákvörðunar um niðurrif gestahúss á lóð Neðan-Sogsvegur 14 og mælist til þess að húsið verði fjarlægt innan árs.

Mál nr. 12: Úlfjótssvatn L170830; Frístundabyggð; Skilgreining lóða og byggingarreita; Deiliskipulagsbreyting – 2202007.

Lögð er fram umsókn frá SFR-stéttarfélagi í almannabjónustu vegna nýs deiliskipulags sem tekur til frístundabyggðar við Úlfjótssvatns L170830. Í dag er í gildi deiliskipulagsuppdráttur frá árinu 1993. Deiliskipulag frístundabyggðar við Úlfjótssvatn, dagsett 16.6.1993. Á því skipulagi var gert ráð fyrir alls 26 húsum, 25 sumarhúsum og svo Úlfjótsskála sem áður var þjónustumiðstöð. Við gildistöku þessa skipulags fellur úr gildi eldra skipulag og uppdættir. Innan skipulagsins er gert ráð fyrir heimild fyrir uppbyggingu allt að 29 bygginga, frístundahús og þjónustuhús auk leiksvæða og aðstöðu fyrir tjaldsvæði.

Sveitarstjórn telur að lóðarstærðir og byggingarskilmálar innan deiliskipulagsins samræmist ekki stefnu eða markmiðum gildandi aðalskipulags Grímsnes- og Grafningshrepps með fullnægjandi hætti. Sveitarstjórn frestar því afgreiðslu málsins og felur skipulagsfulltrúa að annast samskipti við hönnuð deiliskipulagsins.

Mál nr. 13: Mosfell 168267 L168267; Endurheimt votlendis; Framkvæmdarleyfi – 2202026.

Lögð er fram umsókn um framkvæmdaleyfi frá Landgræðslunni í landi Mosfells L168267. Í framkvæmdinni felst endurheimt á fyrrum votlendi í landi Mosfells. Svæðið er um 50 ha að stærð og skiptist í tvö svæði. Fyrirhugað er að fylla upp í/stífla um 3.665 metra af skurðum. Áhersla verður lögð á að vanda til verka, þjappa efninu vel ofan í skurðstæðið svo að fyllingar skolist ekki til og að öryggi manna og dýra sé gætt. Eins á að taka til hliðar gróður úr skurðum og ofan af ruðningum til að þekja yfirborð rasksvæða og flýta þannig fyrir uppgræðslu þeirra. Verkið verður unnið með beltagröfu og einungis notaðir gamlir ruðningar og efni á endurheimtarsvæðinu til að fylla upp í skurðina. Sveitarstjórn gerir ekki athugasemd við útgáfu framkvæmdaleyfis vegna endurheimtar á votlendi svæðisins sem umsóknin tekur til og samþykkir að framkvæmdaleyfið verði kynnt á grundvelli 5. mgr. 13. gr. skipulagslaga nr. 123/2010 auk þess sem leitað verði umsagnar Vegagerðarinnar.

Mál nr. 14: Kothólsbraut 24 L202220; Nýtingarhlutfall; Fyrirspurn – 2202034.

Lögð er fram fyrirspurn frá Rúnari Inga Guðjónssyni er varðar Kothólsbraut 24 í Öndverðarnesi. Óskað er eftir því að B-rými verði ekki talið með í nýtingarhlutfalli Kothólsbrautar 24 því ekki hefur verið brugðist við fyrirvara Skipulagsstofnunar um að skilmálar um nýtingarhlutfall hafi verið yfirfarnir innan gildandi deiliskipulags fyrir svæðið. Sveitarstjórn telur að umrædd skilgreining á nýtingarhlutfalli hafi einnig átt við árið 2006 þegar deiliskipulag svæðisins tók gildi. Líkt og fram kemur í tilkynningu Skipulagsstofnunar um málið var viðkomandi skilgreining á nýtingarhlutfalli felld út úr byggingarreglugerð árið 2013 en tekin aftur upp innan skipulagsreglugerðar árið 2016. Að mati sveitarstjórnar tekur því umræddur fyrirvari til þess að ekki hafi verið sérstaklega tilgreint innan deiliskipulagsáætlana á milli árána 2013-2016 að B-rými skyldu ekki teljast til nýtingarhlutfalls lóða. Sveitarstjórn mælist til þess að farið verði að skilmálum deiliskipulags og kröfum skipulagsreglugerðar.

Mál nr. 15: Umsögn GOGG um breytingu á Aðalskipulagi Borgarbyggðar 2010-2022; Umsagnarbeiðni – 2202053.

Lögð er fram beiðni um umsögn vegna breytinga á aðalskipulagi Borgarbyggðar 2010-2022. Í breytingunni felst skilgreining á verslunar- og þjónustusvæði fyrir Bæjargil og land Húsafells 1. Sveitarstjórn gerir ekki athugasemd við framlagða breytingu á aðalskipulagi Borgarbyggðar.

Mál nr. 29: Afgreiðslur byggingarfulltrúa – 22-159.

Lagðar fram til kynningar afgreiðslur byggingarfulltrúa frá 16. febrúar 2022.

b) Fundargerð nefndar oddvita/sveitarstjóra í yfirstjórn velferðarmála í Árnepingi (NOS), 15. febrúar 2022.

Fundargerðin lögð fram til kynningar.

c) Fundargerð 1. fundar seyrustjórnar, 1. febrúar 2022.

Fundargerðin lögð fram til kynningar.

d) Fundargerð 35. fundar stjórnar Bergrisans, 31. janúar 2022.

Fundargerðin lögð fram til kynningar.

e) Fundargerð 36. fundar stjórnar Bergrisans, 15. febrúar 2022.

Fundargerðin lögð fram til kynningar.

f) Fundargerð 49. fundar stjórnar Samtaka orkusveitarfélaga, 11. febrúar 2022.

Fundargerðin lögð fram til kynningar.

2. Erindi frá Birni Snorrasyni og Ingibjörgu Harðardóttur eigendum jarðarinnar Bjarkar II um breytta vegtengingu um svokallaðan vatnsveg.

Fyrir liggur erindi frá Birni Snorrasyni og Ingibjörgu Harðardóttur eigendum jarðarinnar Bjarkar II, dagsett 24. febrúar 2022, um breytta vegtengingu um svokallaðan vatnsveg sem liggur að vatnslind sveitarfélagsins í landi Bjarkar I.

Sveitarstjórn samþykkir samhljóða að fela Ragnari Guðmundssyni umsjónarmanni framkvæmda og aðveitna að skoða nýja vegtengingu, meta kosti hennar og galla ásamt því að kostnaðarmeta verkefnið. Sveitarstjórn frestar afgreiðslu málsins.

Ingibjörg Harðardóttir vék sæti við afgreiðslu málsins.

3. Úrskurður yfirfasteignamatsnefndar nr. 13/2021.

Lagður fram til kynningar úrskurður yfirfasteignamatsnefndar frá 24. febrúar 2022 í máli nr. 13/2021 vegna kæru eigenda Oddsholts 53, Grímsnes- og Grafningshreppi, um álagningu fasteignaskatta.

4. Afrit af bréfi frá Þjóðskrá Íslands þar sem kynnt er breytt fasteignamat sumarbústaðar við Finnheiðarveg 15.

Lagt fram til kynningar afrit af bréfi frá Þjóðskrá Íslands til eiganda eigna að Finnheiðarvegi 15, dagsett 16. febrúar 2022 þar sem kynnt er breytt fasteignamat eignarinnar.

Sveitarstjórn samþykkir samhljóða að óska eftir rökstuðningi frá Þjóðskrá Íslands fyrir breyttu fasteignamati.

5. Íbúaskrá Grímsnes- og Grafningshrepps frá 1. desember 2021.

Lögð fram til kynningar íbúaskrá Grímsnes- og Grafningshrepps frá 1. desember 2021 frá Þjóðskrá Íslands. Samkvæmt íbúaskránni var íbúafjöldi sveitarfélagsins 530 þann 1. desember 2021.

6. Bréf frá Lögfræðistofu Reykjavíkur fyrir hönd Svanfríðar Sigurbórsdóttur og Birkis Grétarssonar vegna skipulagsbreytingar – Bjarnastaðir I, Básar, Heiðarbrún 10.

Fyrir liggur bréf frá Lögfræðistofu Reykjavíkur fyrir hönd Svanfríðar Sigurbórsdóttur og Birkis Grétarssonar, dagsett 9. febrúar 2022, vegna skipulagsbreytingar – Bjarnastaðir I, Básar, Heiðarbrún 10. Sveitarstjórn samþykkir samhljóða að fela skipulagsfulltrúa sveitarfélagsins að svara bréfinu í samráði við lögmann sveitarfélagsins, Óskar Sigurðsson hrl.

7. Samráðs- og upplýsingafundur með sveitarstjórnarmönnum til undirbúnings stefnumótunarvinnu á landsþingi sambandsins í september 2022.

Lagt fram til kynningar upplýsingar um samráðs- og upplýsingafundi með sveitarstjórnarmönnum til undirbúnings stefnumótunarvinnu á landsþingi sambands íslenskra sveitarfélaga í september 2022. Sveitarstjórn samþykkir samhljóða að öllum kjörnum fulltrúum standi til boða að taka þátt í fundunum.

8. Stofnun húsnæðissjálfsseignarstofnunar fyrir landsbyggðina.

Fyrir liggur að áhugi er á meðal margra sveitarfélaga á landsbyggðinni að koma sameiginlega á fót húsnæðissjálfsseignarstofnun. Hlutverk hennar verður að eiga og reka almennar íbúðir á landsbyggðinni ásamt því að stuðla að frekari uppbyggingu íbúða á á þeim stöðum þar sem skortur er á leiguhúsnæði.

Sveitarstjórn samþykkir að taka þátt í að stofna fyrirhugaða húsnæðissjálfsseignarstofnun með fjórum atkvæðum. Ingibjörg Harðardóttir greiðir atkvæði á móti.

Sveitarstjórn samþykkir að Smári Bergmann Kolbeinsson verði fulltrúi sveitarfélagsins á framhaldsstofnfundi sem haldinn verður þann 4. mars n.k.

9. Aðalfundur Samorku 2022.

Fyrir liggur bréf frá framkvæmdastjóra Samorku, dagsett 14. febrúar 2022, um að aðalfundur Samorku verði haldinn í Norðurljóssal Hörpu þriðjudaginn 15. mars 2022.

Sveitarstjórn samþykkir samhljóða að Smári Bergmann Kolbeinsson og Ragnar Guðmundsson verði fulltrúar sveitarfélagsins á fundinum.

10. Beiðni Innviðaráðuneytisins um umsögn vegna beiðni um undanþágu vegna fjarlægðar frá vegi Neðan-Sogsvegar 61.

Fyrir liggur beiðni Innviðaráðuneytisins, dagsett 14. febrúar 2022, um umsögn sveitarfélagsins vegna beiðnar um undanþágu vegna fjarlægðar frá vegi Neðan-Sogsvegar 61. Sveitarstjórn gerir ekki athugasemd við að undanþága er varðar fjarlægð frá vegi verði samþykkt.

11. Bréf til sveitarstjórna frá Eftirlitsnefnd með fjármálum sveitarfélaga vegna almenns eftirlits með fjármálum sveitarfélaga á árinu 2022.

Lagt fram til kynningar bréf til sveitarstjórna frá Eftirlitsnefnd með fjármálum sveitarfélaga, dagsett 21. febrúar 2022, vegna almenns eftirlits með fjármálum sveitarfélaga á árinu 2022.

12. Umhverfis- og auðlindaráðuneytið kynnir til samráðs mál nr. 39/2022, „Drög að frumvarpi til laga um breytingu á lögum um verndar- og orkunýtingaráætlun, nr. 48/2011“.

Fyrir liggur að Umhverfis- og auðlindaráðuneytið kynnir til samráðs mál nr. 39/2022, „Drög að frumvarpi til laga um breytingu á lögum um verndar- og orkunýtingaráætlun, nr. 48/2011“.

Lagt fram til kynningar.

13. Umhverfis- og auðlindaráðuneytið kynnir til samráðs mál nr. 42/2022, „Breyting á lögum um niðurgreiðslu húshitunarkostnaðar“.

Fyrir liggur að Umhverfis- og auðlindaráðuneytið kynnir til samráðs mál nr. 42/2022, „Breyting á lögum um niðurgreiðslu húshitunarkostnaðar“.

Lagt fram til kynningar.

14. Önnur mál.

a) Umboð oddvita

Sveitarstjórn staðfestir að oddviti hafi haft umboð á kjörtímabilinu til að undirrita samninga og skjöl fyrir hönd sveitarfélagsins, s.s. lóðarleigusamninga, kaupsamninga, afsöl, o.fl., og muni hafa það umboð út kjörtímabilið.

Ekki fleira tekið fyrir og fundi slitið kl: 11:40.



Styrktarreikningur
sveitarinnar er:
0586-26-456
kt. 490487-1319

!!! ÚTKALL - LEIT Á LANDI !!!

Fjöldi lítilla páskaeggja er týndur umhverfis hús
Hjálparsveitarinnar Tintrons og okkur vantar aukna
aðstoð til leitarinnar laugardaginn 9. apríl.
Mæting í hús sveitarinnar klukkan 14:00

Kveðja
Félagar Hjálparsveitarinnar Tintrons



Fréttir frá Kerhólsskóla

Leikskóladeild Kerhólsskóla er gædd einstöku starfsfólki. Sigríður Þorbjörnsdóttir deildarstjóri og Emilía Lilja Rakelar Gilbertsdóttir sérkennslustjóri hafa lokið sitthvorri starfendarannsókninni í námi sínu í kennarafræðum. Önnur rannsóknin var gerð í beinu framhaldi af hinni og hafa þær báðar þróað og eftir starf leikskólans til muna.

Sigríður framkvæmdi starfendarannsókn skólaárið 2019-2020 þar sem tilgangurinn var að skoða hvernig hún, sem faglegur leiðtogi, gæti aðstoðað starfsmenn á deildinni við að efla félagsfærni barnanna. Börnunum var skipt upp í litla vinnuhópa þar sem starfsmenn unnu markvisst að því að efla félagsfærni þeirra í þrjá mánuði og síðan tók við flæðandi skipulag. Sigríður sem rannsakandi leiðbeindi starfsmönnum hvernig hægt væri að ná sem bestum árangri í því að efla félagsfærni barnanna og styðja þau í frjálsum leik í flæðandi skipulagi (flæði) eftir hugmyndum Mihaly Csikszentmihalyi. Rannsóknarspurningin beindist að því hvernig rannsakandinn sjálfur sem deildarstjóri gæti leiðbeint starfsmönnum á deildinni við að efla félagsfærni hjá börnum sem þurfa sérstakan stuðning á því sviði. Gögnum var safnað með rannsóknardagbók, vettvangsathugunum, viðtölum við einstaklinga og rýnihópa og með ljósmyndum. Niðurstöður bentu til þess að samskipti milli barnanna hefðu batnað mikið eftir að þeim var skipt í litla hópa með markvissri þjálfun í félagsfærni. Vinnan í litlu hópunum skilaði sér síðan þegar farið var út í flæðandi skipulag. Börnin voru mun glaðari og minna var um árekstra á milli þeirra. Enn fremur leið starfsfólkinu mun betur í vinnunni og andrúmsloftið var afslappað þegar ekki var verið að stressa sig á klukkunni og fara eftir stífri stundaskrá.





Emilía framkvæmdi seinni rannsóknina skólaárið 2020-2021. Hún er sjálfstætt framhald af rannsókn Sigríðar þar sem sú rannsókn leiddi af sér að farið var að vinna eftir hugmyndafræði Mihaly Csikszentmihalyi um flæði. Tilgangur rannsóknarinnar var að þróa daglegt starf áfram í nýju skipulagi. Markmið rannsóknarinnar var að efla faglegt starf í takt við fræðilegt samhengi og skoða hvernig rannsakandi sem faglegur leiðtogi gæti stutt við starfsfólk á vettvangi og beindust rannsóknarspurningar að því. Haldin var rannsóknardagbók, gerðar voru vettvangsathuganir, rýnt í ljósmyndir af vettvangi og tekin rýnihópaviðtöl sem fram fóru á vikulegum fundum. Niðurstöður benda til þess að þörf er á áframhaldandi þróun þegar starfsháttum er breytt. Fagleg leiðtogahæfni er mikilvægur þáttur í slíkri vinnu og mikilvægt er að halda uppi þeirri syn sem lagt er upp með. Fræðsla, ígrundun og umræður á reglulegum fundum skilaði aukinni virkni starfsfólks í flæðistundum sem og þátttöku þeirra í leik. Rannsóknin sýnir jafnframt fram á mikilvægi þess að miðla til starfsfólks fræðilegri þekkingu að baki starfsháttum, sér í lagi þegar stór hluti þeirra hefur ekki leikskólakennaramenntun.



Síðastliðið sumar fengu þær Sigríður og Emilía styrk frá Rannsóknarsjóði KÍ til að halda áfram að þróa flæðið í leikskóladeild Kerhólsskóla. Þær voru eitt af fimm verkefnum sem hlutu styrk frá sjóðnum á landinu árið 2021 og eini leikskólinn sem hlaut rannsóknarstyrk. Markmið rannsóknarsjóðs KÍ er að veita styrki til rannsókna sem styðja við skólastarf og dagleg störf félagsmanna Kennarasambands Íslands í skólum, þróa nýja fræðilega þekkingu sem félagsmenn KÍ hafa þörf fyrir og stuðla að auknum gæðum í skólastarfi. Vinna þeirra er merkileg og vel er tekið eftir henni í skólaheiminum. Á



síðasta ári, 2021, hafði Ingibjörg Ósk Sigurðardóttir dósant við HÍ samband við Sigríði og Emilíu og bað þær um að skrifa með sér ritrýnda grein um þróunarferlið í leikskólanum sem þær hafa leitt. Þær eru að vinna að greininni.



Jafnframt bauð Ingibjörg Ósk dósent þeim stöllum að kynna ferlið sitt á EECERA ráðstefnu sem fram fer í Glasgow í ágúst 2022. EECERA (European Early Childhood Education Research Association) stuðlar að og miðlar þverfaglegum rannsóknum á frumbersku og beitingu þeirra á stefnu og starfshætti og þeir halda úti stærstu ráðstefnu um skólamáli í Evrópu.

Sigríður og Emilía verða einnig með erindi á Menntakviku í haust um rannsóknir þeirra. Menntakvika er ráðstefna á vegum Háskóla Íslands þar sem kynntar eru rannsóknir um það sem efst er á baugi í menntavísindum hér á landi.

Eftir að leikskóladeildin fór að vinna eftir hugmyndafræðinni um flæði hafa starfsmennirnir tekið eftir að börnin eru betri í félagslegum samskiptum, sjálfstæðari, aukin samkennd og tilbúnari að reyna sjálf. Foreldrar hafa lýst ánægju sinni með fyrirkomulagið og taka eftir jákvæðum breytingum í leikskólanum. Það verður áhugavert að fylgjast áfram með leikskóladeild Kerhólsskóla og þeim Sigríði og Emilíu.

Kerhólsskóli



523. fundur 16. mars 2022 kl. 09:00 - 12:40 Stjórnsýsluhúsinu Borg



Sveitarstjórn

- Ása Valdís Árnadóttir
- Björn Kristinn Pálmarsson
- Smári Bergmann Kolbeinsson
- Ingibjörg Harðardóttir
- Ragnheiður Eggertsdóttir í fjarveru Bjarna Þorkelssonar

Fundargerðin var færð í tölvu og hana ritaði Ása Valdís Árnadóttir

1. Fundargerðir.

a) Fundargerð 97. fundar fræðslunefndar Grímsnes- og Grafningshrepps, 1. mars 2022.

Mál nr. 3 þarfnast staðfestingar sveitarstjórnar.

Lögð fram 97. fundargerð fræðslunefndar Grímsnes- og Grafningshrepps, dagsett 1. mars 2022. Eftirfarandi dagskrárliður þarfnast afgreiðslu sveitarstjórnar;

Mál nr. 3 Skóladagatal

Lagt er til að farið verði í skóladagatal B þar sem að starfsdagar verða ekki þann 19. og 20. apríl. Það er gert þar sem að ekki verður hægt að fara í fyrirhugaða námsferð.

Sveitarstjórn samþykkir samhljóða tillögu fræðslunefndar.

b) Fundargerð 16. fundar veitunefndar Grímsnes- og Grafningshrepps, 28. febrúar 2022.

Fundargerðin lögð fram til kynningar.

c) Fundargerð 44. fundar æskulýðs- og menningarmálanefndar Grímsnes- og Grafningshrepps, 5. mars 2022.

Fundargerðin lögð fram til kynningar.

d) Fundargerð 20. fundar ungmennaráðs Grímsnes- og Grafningshrepps, 28. febrúar 2022.

Fundargerðin lögð fram til kynningar.

e) Fundargerð 235. fundar Skipulagsnefndar Uppsveita, 9. mars 2022.

Mál nr. 18, 19, 20, 21, 22, 23, 24, 25, 26, 27, 28 og 37 þarfnast staðfestingar sveitarstjórnar.

Lögð fram 234. fundargerð Skipulagsnefndar Uppsveita, dagsett 25. febrúar 2022. Eftirfarandi dagskrárliðir þarfnast afgreiðslu sveitarstjórnar;

Mál nr. 18: Kringla 9 L232038; Árvegsbotnar 42-56; Stofnun lóða; Deiliskipulag - 2202091.

Lögð er fram umsókn frá Ingibjörgu Guðrúnu Geirsdóttur er varðar nýtt deiliskipulag í landi Kringlu 9. Innan deiliskipulagsins er gert ráð fyrir 7 lóðum fyrir fristundabyggð.

Sveitarstjórn samþykkir samhljóða deiliskipulagstillöguna til kynningar og umsagna í samræmi við 40. gr. skipulagslaga nr. 123/2010.

Mál nr. 19: Hlíðarhólsbraut 10 L230453 og 12 L229602; Stækkun lóða; Fyrirspurn - 2202043.

Lögð er fram fyrirspurn frá Sigfúsi Aðalsteinssyni er varðar breytingu á deiliskipulagi að Hlíðarhólsbraut 10 og 12. Í breytingunni fælist stækkun lóðanna að núverandi vegi auk þess sem mörk lóðanna eru færð saman. Áfram verði gert ráð fyrir göngustíg um svæðið.

Sveitarstjórn telur ekki forsvaranlegt að fara í stakar lóðarmarkabreytingar innan skipulagssvæðisins og mælist til þess að skipulagið verði skoðað með heildstæðum hætti eigi að gera breytingar á legum lóða innan deiliskipulagssvæðisins.

Mál nr. 20: Kringla 2 L168259; Gesthús; Fyrirspurn - 2203008.

Lögð er fram fyrirspurn frá Ingibjörgu Guðrúnu Geirsdóttur er varðar byggingarheimildir á landi Kringlu 2. Í fyrirspurninni felst hvort að heimilt sé að reisa tvö gestahús á landinu.

Samkvæmt stefnumörkun gildandi aðalskipulags Grímsnes- og Grafningshrepps má á landbúnaðarsvæðum gera ráð fyrir takmarkaðri þjónustu og léttum iðnaði, sem einkum þjónar ferðaþjónustu eða fristundabyggðum. Hér getur verið um að ræða veitinga- og gistipjónustu. Sveitarstjórn telur að útleiga á tveimur smáhýsum gæti fallið undir þær heimildir. Eftir mati hverju sinni getur þó umfangsmeiri gistipjónusta krafist þess að skilgreint sé verslunar- og þjónustusvæði innan jarðar ef megin starfsemi svæðisins er orðið með þeim hætti. Sveitarstjórn telur æskilegt að útbúa deiliskipulag sem tekur til byggingarheimilda viðkomandi smáhýsa.

Mál nr. 21: Neðan-Sogsvegur 46 (L169357); umsókn um byggingarheimild; sumarbústaður - viðbygging - 2202078.

Fyrir liggur umsókn Emils Þ. Guðmundssonar fyrir hönd Ruthar Gylfadóttur, móttekin 28.02.2022, um byggingarheimild að byggja 73 m² viðbyggingu við sumarbústað á sumarbústaðalandinu Neðan-Sogsvegur 46 L169357 í Grímsnes- og Grafningshreppi. Heildarstærð á sumarbústaði eftir stækkun verður 127 m².

Sveitarstjórn mælist til þess að afmörkun lóðarinnar verði skilgreind áður en afstaða verði tekin til útgáfu byggingarleyfis innan lóðarinnar. Innan meðfylgjandi gagna er ekki lögð fram afstöðumynd sem gerir grein fyrir fjarlægð bygginga frá lóðarmörkum. Sveitarstjórn synjar því umsókninni.

Mál nr. 23: Hvítuborgir L218057; Verslunar- og þjónustusvæði; Deiliskipulag - 2203020.

Lögð er fram umsókn frá Ögmundi Gíslasyni er varðar nýtt deiliskipulag í landi Hvítuborgar L218057. Í Hvítuborgum verður byggt upp svæði fyrir verslun- og þjónustu. Meginstarfsemin verður útleiga á gistirými fyrir ferðamenn og þjónusta þar að lútandi.

Sveitarstjórn samþykkir deiliskipulagð samhljóða og að það verði auglýst á grundvelli 41. gr. skipulagslaga nr. 123/2010 með fyrirvara um lagfærð gögn.

Mál nr. 24: Mýrarkot; Brekkugerði; Fjölgun lóða; Deiliskipulagsbreyting - 2203011.

Lögð er fram umsókn frá félagi lóða- og sumarhúsaeigenda við Héðinslæk er varðar breytingu á deiliskipulagi. Í breytingunni felst fjölgun og breytt lega lóða innan skipulagssvæðisins. Fyrirspurn vegna lóða 3-5 var samþykkt á 230. fundi skipulagsnefndar með fyrirvara um gerð deiliskipulagsbreytingar.

Sveitarstjórn samþykkir samhljóða viðkomandi breytingar á deiliskipulagi svæðisins með fyrirvara um samþykki landeiganda. Jafnframt samþykkir sveitarstjórn að málið fái málsmeðferð á grundvelli 2. mgr. 43. gr. skipulagslaga nr. 123/2010 er varðar óverulega breytingu á deiliskipulagi og verði grenndarkynnt eigendum aðliggjandi landeigna.

Mál nr. 25: Mýrarkot; Lerkigerði 7 L173072; Breytt lóðamörk; Deiliskipulagsbreyting - 2203012.

Lögð er fram umsókn frá félagi lóða- og sumarhúsaeigenda við Héðinslæk er varðar breytingu á deiliskipulagi. Í breytingunni felst breytt stærð lóðar Lerkigerðis 7 L173072 innan skipulagssvæðisins. Sveitarstjórn samþykkir samhljóða viðkomandi breytingar á deiliskipulagi svæðisins með fyrirvara um samþykki landeiganda. Jafnframt samþykkir sveitarstjórn að málið fái málsmeðferð á grundvelli 2. mgr. 43. gr. skipulagslaga nr. 123/2010 er varðar óverulega breytingu á deiliskipulagi. Sveitarstjórn mælist til þess að skipulagsfulltrúi skoði hvort hægt sé að vinna eftirfarandi mál saman: Mýrarkot; Brekkugerði; Fjölgun lóða; Deiliskipulagsbreyting - 2203011 og Mýrarkot; Lerkigerði 7 L173072; Breytt lóðamörk; Deiliskipulagsbreyting - 2203012.

Mál nr. 26: Vaðnes; Nesvegur 1-8; Deiliskipulagsbreyting - 2203024.

Lögð er fram deiliskipulagsbreyting sem tekur til Nesvegur 1-8 í landi Vaðness. Í breytingunni felast breyttir deiliskipulagsskilmálar innan svæðisins auk þess sem kvaðir eru settar á lágmarks hæðarkóta vegna flóðahættu.

Sveitarstjórn samþykkir samhljóða viðkomandi breytingu á deiliskipulagi svæðisins og að málið fái málsmeðferð á grundvelli 1. mgr. 43. gr. skipulagslaga nr. 123/2010 er varðar breytingar á deiliskipulagi. Sveitarstjórn mælist til þess að málið verði kynnt sérstaklega fyrir lóðarhöfum innan skipulagssvæðisins.

Mál nr. 27: Efri-Brú L196003; Grænahlíð 1A; Stofnun lóðar - 220242.

Lögð er fram umsókn f.h. Brúarholts ehf er varðar stofnun lóðar. Óskað er eftir að stofna 11.360 fm lóð, Grænahlíð 1A, úr landi Efri-Brúar L196003. Fjárhús, hlaða og hesthús eru staðsett innan afmörkun hennar. Aðkoman er um aðkomuveg frá Þingvallavegi (36) skv. samþykktu skipulagi fyrir íbúðahúsalóðir við Grænuhlíð.

Sveitarstjórn gerir ekki athugasemd við stofnun lóðarinnar skv. fyrirbyggjandi umsókn en gerir athugasemd við heiti lóðarinnar.

Mál nr. 28: Brúarholt land L175456 og Efri-Brú L196003, Grænahlíð opið svæði; Breytt landamerkjálína og stofnun lóðar - 220255.

Lögð er fram umsókn f.h. Brúarholts ehf er varðar ósk um samþykki fyrir breytttri landamerkjálínu milli Brúarholts lands L175456 og Efri-Brúar L196003 ásamt stofnun landeignar. Í landskiptagerð frá 1995 fyrir Brúarholt land L175456 kemur fram óhnitsett afmörkun landsins og áætluð stærð hennar (um 425 ha). Í ljós hefur komið að landamerkjálína jarðanna milli Stapamýrar og Grænlandsmýrar skarast við skipulagssvæði fyrir 10 íbúðarhúsalóðir við Grænuhlíð sem er þá innan beggja jarðanna. Nú liggur fyrir samkomulag milli eigenda jarðanna á breyttum landamörkum sem hafa verið hnitsett skv. meðfylgjandi mæliblaði. Með breytingunni fellur skipulagssvæðið fyrir Grænuhlíð þá alfarið innan Brúarholts lands sem stækkar um ca. 9,9 ha frá áætlaðri stærð í landskiptagerð. Jafnframt er óskað eftir að stofna landið undir opið svæði/leiksvæði og vegi, innan skipulagssvæðisins fyrir Grænuhlíð, sem er þá tekið úr Brúarholts landi með ofangreindri landamerkjabreytingu. Landeignin, Grænahlíð opið svæði, mælist 44.633 fm skv. mæliblaði. Sveitarstjórn gerir ekki athugasemd við breytta landamerkjálínu né stofnun opna svæðisins skv. fyrirbyggjandi umsókn.

Mál nr. 37: Afgreiðslur byggingarfulltrúa – 22-160.

Lagðar fram til kynningar afgreiðslur byggingarfulltrúa frá 2. mars 2022.

f) Fundargerð 9. fundar Oddvitaneftndar uppsveita Árnassýslu, 3. mars 2022.

Fundargerðin lögð fram til kynningar.

g) Fundargerð 53. fundar Skólaþjónustu og velferðarneftndar Árnesþings, 1. mars 2022.

Mál nr. 2b þarfnast staðfestingar sveitarstjórnar.

Lögð fram 53. fundargerð Skólaþjónustu og velferðarneftndar Árnesþings, dagsett 1. mars 2022. Eftirfarandi dagskrárliður þarfnast afgreiðslu sveitarstjórnar;

Mál nr. 2b Erindi til samþykktar.

b) Tillaga að gjaldskrárhækkunum á fjárhagsaðstoð og fargjöldum í akstursþjónustu.

Sveitarstjórn samþykkir samhljóða tillögur að gjaldskrárhækkunum.

h) Fundargerð 37. fundar stjórnar Bergrisans, 1. mars 2022.

Fundargerðin lögð fram til kynningar.

Sveitarstjórn leggur til að bókanir stjórnar Bergrisans verði aðeins ítarlegri eða ítagögn fylgi hverri fundargerð.

i) Fundargerð 38. fundar stjórnar Bergrisans, 8. mars 2022.

Fundargerðin lögð fram til kynningar.

j) Fundargerð 309. fundar Sorpstöðvar Suðurlands, 28. febrúar 2022.

Fundargerðin lögð fram til kynningar.

k) Fundargerð 216. fundar Heilbrigðisneftndar Suðurlands, 25. febrúar 2022.

Fundargerðin lögð fram til kynningar.

l) Fundargerð 579. fundar stjórnar SASS, 4. mars 2022.

Fundargerðin lögð fram til kynningar.

m) Fundargerð 907. fundar stjórnar Sambands íslenskra sveitarfélaga, 25. febrúar 2022.

Fundargerðin lögð fram til kynningar.

n) Fundargerð framhalds stofnfundar Brákar hses, 4. mars 2022.

Fundargerðin lögð fram til kynningar.

2. Erindi frá Birni Snorrasynt og Ingibjörgu Harðardóttur eigendum jarðarinnar Bjarkar II um breytta vegtengingu um svokallaðan vatnsveg.

Lagt er fram að nýju erindi frá Birni Snorrasynt og Ingibjörgu Harðardóttur eigendum jarðarinnar Bjarkar II, dagsett 24. febrúar 2022, um breytta vegtengingu um svokallaðan vatnsveg sem liggur að vatnslind sveitarfélagsins í landi Bjarkar I. Málinu var frestað á fundi sveitarstjórnar þann 2. mars 2022 og er nú tekið fyrir að nýju.

Fyrir liggur minnisblað frá Ragnari Guðmundssynt um kostnaðinn og samþykkir sveitarstjórn samhljóða að breyta vegtengingunni í vor og felur Ragnari að vinna verkefnið áfram.

Ingibjörg Harðardóttir vék sæti við afgreiðslu málsins.

3. Tilboð í deiliskipulagsgerð á golfvelli.

Fyrir liggur minnisblað frá Ragnari Guðmundssynt umsjónarmanni veitna og framkvæmda, dagsett 2. mars 2022, þar sem farið er yfir tilboð sem bárust í kjölfar verðkönnunar í deiliskipulagsgerð vegna fyrirhugaðrar breytingar á hluta golfvallar í landbúnaðarsvæði með auknum byggingarheimildum. Verðkönnunin var send á Eflu, Landhönnun og Landform. Tilboð Eflu hljóðaði upp á 4.200.000 kr., tilboð Landhönnunar hljóðaði upp á 4.500.000 kr. og tilboð Landforms hljóðaði upp á 6.125.000 kr.

Sveitarstjórn samþykkir samhljóða að taka lægsta tilboði, frá Eflu. Sveitarstjóra falið að skrifa undir samninginn

4. Tilboð í leigu á fjallaskála í Kringlumýri.

Fyrir liggur að sveitarfélagið auglýsti í lok febrúar fjallaskála í Kringlumýri, hesthús og aðra aðstöðu sem fylgir skálanum til leigu til 5 ára. Ein umsókn barst frá Kerhestum ehf. Sveitarstjórn samþykkir samhljóða að ganga til samninga við Kerhesta ehf.

5. 1901008 - Öndverðarnes lóð 2 L170095; Laxabakki; Staðfest afmörkun og breytt heiti lóðar.

Lögð er fram að nýju umsókn Hannesar Lárussonar f.h. Íslenska Bæjarins, dags. 7. febrúar 2019 um staðfestingu á afmörkun landeignarinnar Öndverðarnes lóð 2 L170095. Skv. hnitsettri afmörkun er lóðin 10.000m² og er í samræmi við skráða stærð í fasteignaskrá. Einnig er óskað eftir að landið fái heitið Laxabakki og liggur fyrir útskýring á hvaðan heitið er fengið. Málinu var frestað á fundi sveitarstjórnar þann 3. apríl 2019 og er nú tekið fyrir að nýju. Sveitarstjórn staðfestir samhljóða afmörkun og breytt heiti lóðar. Smári Bergmann Kolbeinsson vék sæti við afgreiðslu málsins.

6. Erindi til sveitarfélaga frá Félags- og vinnumarkaðsráðuneytinu vegna móttöku flóttafólks.

Lagt fram til kynningar bréf frá Félags- og vinnumarkaðsráðuneytinu, dagsett 9. mars 2022, vegna móttöku flóttafólks. Sveitarstjórn samþykkir samhljóða að fela sveitarstjóra að skoða málið á nánar.

7. Bókun bæjarráðs Sveitarfélagsins Voga um Suðurnesjalínu 2.

Lögð fram til kynningar bókun bæjarráðs Sveitarfélagsins Voga um Suðurnesjalínu 2 þar sem bæjarráð Sveitarfélagsins Voga hvetur sveitarfélög landsins og Samband íslenskra sveitarfélaga til að veita umsögn og taka afstöðu til frumvarps til laga um að veita Landsneti framkvæmdaleyfi til lagningar Suðurnesjalínu 2 í lofti í sveitarfélaginu.

8. Aðalfundur Límtré Vírnet ehf.

Lagt fram til kynningar bréf frá stjórnarformanni Límtré Vírnet ehf, dagsett 7. mars 2022, um að aðalfundur félagsins verði haldinn þriðjudaginn 22. mars 2022 í Reykjavík.

9. Aðalfundur Lánasjóðs sveitarfélaga.

Lagt fram til kynningar bréf frá framkvæmdastjóra Lánasjóðs sveitarfélaga ohf, dagsett 11. mars 2022, um að aðalfundur lánasjóðsins verði haldinn föstudaginn 1. apríl 2022 í Reykjavík.

10. Beiðni Efnahags- og viðskiptanefndar Alþingis um umsögn á frumvarpi til laga um tekjustofna sveitarfélaga (gjaldastofn fasteignaskatts), 78. mál.

Fyrir liggur beiðni Efnahags- og viðskiptanefndar Alþingis um umsögn á frumvarpi til laga um tekjustofna sveitarfélaga (gjaldastofn fasteignaskatts), 78. mál. Sveitarstjórn Grímsnes- og Grafningshrepps getur ekki veitt jákvæða umsögn um breytingar sem lagðar eru til á frumvarpi til laga um tekjustofna sveitarfélaga (gjaldastofn fasteignaskatts), 78. mál.

11. Beiðni Velferðarnefndar Alþingis um umsögn á tillögu til þingsályktunar um búsetuöryggi í dvalar- og hjúkrunarrýmum, 51. mál.

Fyrir liggur beiðni Velferðarnefndar Alþingis um umsögn á tillögu til þingsályktunar um búsetuöryggi í dvalar- og hjúkrunarrýmum, 51. mál. Frumvarpið lagt fram til kynningar.

12. Önnur mál.

a) Sveitarstjórnarkosningar 2022 – fundaraðstaða framboðslista og kjörstaður.

Rætt var um undirbúning og framkvæmd sveitarstjórnarkosninga sem haldnar verða 14. maí n.k. Sveitarstjórn samþykkir samhljóða að bjóða framboðslistum til sveitarstjórnarkosninga aðgang að félagsheimilinu endurgjaldslaust til fundahalda í samráði við umsjónaraðila félagsheimilisins, á það við fundarhöld vegna undirbúningsfunda og framboðsfunda í aðdraganda kosninga. Jafnframt býðst svo þeim framboðslistum sem fá mann í sveitarstjórn aðgangur að félagsheimilinu endurgjaldslaust fyrir framboðs- og vinnufundi á kjörtímabilinu. Jafnframt samþykkir sveitarstjórn að framboðslistar hafi aðgang að skrifstofu vegna fjölföldunar á kynningarefni í aðdraganda kosninga. Sveitarstjórn samþykkir samhljóða að kjörfundur vegna kosninga til sveitarstjórna þann 14. maí n.k. verði í stjórnsýsluhúsinu á Borg í fundarsal sveitarstjórnar á 2. hæð. Einnig er samþykkt að bjóða upp á kaffiveitingar á meðan kjörfundi stendur.

Ekki fleira tekið fyrir og fundi slitið kl: 12:40.

Kæru eldri borgarar,

Á síðasta fundi ræddum við um að safna saman netföngum og símanúmerum eldri borgara til að auðvelda upplýsingagjöf til hópsins. Við viljum því biðja ykkur um að hringja á skrifstofuna eða senda tölvupóst á gudrunasa@gogg.is til að við getum skráð þessar upplýsingar. Guðrún Ása Heilsu- og tómstundafulltrúi.





GK BAKARÍ

**10% AFSLÁTTUR
GEGN FRAMVÍSUN MIÐANS**

**AUSTURVEGUR 31
800 SELFÓSS**

GK BAKARÍ 
GK BAKARÍ 

Dagatal Kvenfélags Grímsneshrepps 2022

24. mars	Aðalfundur
30. apríl	Ársfundur SSK
2. maí	Vorganga í yndisskógi á Borg
14. maí	Kosningakaffi
24. maí	Vorfundur
2. júní	Vorganga og fögnuður í Mörkinni
10.-12. júní	Sumarþing NKF
16. júní	Heldriborgaraferð
17. júní	Fjalikonan
Júní	Undirbúningur fyrir Grímsævintýri
3.-5. ágúst	Vinnudagar fyrir Grímsævintýri
6. ágúst	Grímsævintýri
7. sept.	Hautfundur/Gróðursetning
28. okt.	Grímuball
Nóv.	Jólabíngó
23. nóv.	Jólafundur



Kæru félagskonur, endilega takið dagana frá og merkið í dagatalið.

Af félagsstarfi Kvenfélags Grímsneshrepps

Þann 24. mars s.l. héldum við aðalfundinn okkar í Félagsheimilinu á Borg. Auk hefðbundinna aðfundarstarfa fórum við yfir starfið fram undan og erum fullar bjartsýni á að í ár verði hægt að framkvæma allt sem við höfum sett á dagskrá. Við ætlum okkur m.a. að fara í vorgöngur, heldri borgaraferð, gleðjast á 17. júní, halda ÆVINTÝRI, grímuball og jólabingó. Endilega skoðið viðburðadagatalið okkar og athugið hvort þar er ekki eitthvað sem þið hafið áhuga á að taka þátt í.

Örlitlar breytingar urðu á stjórn þar sem komið var að kosningu í embætti nýs ritara. Stjórn félagsins er í dag þannig skipuð: Formaður Ragna Björnsdóttir, gjaldkeri Hildur Magnúsdóttir og ritari Guðríður Guðmundsdóttir. Varastjórn skipa: Friðsemd Þórðardóttir, Sigríður Þorbjörnsdóttir og Þóranna Snorraddóttir.



Með góðri kveðju inn í vorið,
Ragna Björnsdóttir

AÐ GEFNU TILEFNI !

Vertu góður hundaeigandi & nágranni og hirtu upp skítinn eftir hundinn þinn :)

Hann getur það ekki sjálfur !

Mikið hefur borið á því á Borgarsvæðinu undanfarið að fólk hirðir ekki upp eftir hundana sína og börn og fullorðnir því stígandi í skítinn og berandi inn í hús með miður skemmtilegri ólykt og tilheyrandi :(



Aðalfundur

Aðalfundur Hjálparsveitarinnar Tintron verður haldinn í húsi sveitarinnar þann 20. apríl 2022 klukkan 20:00

Dagskrá :

1. Kosning fundarstjóra og fundarritara.
2. Fundargerð síðasta aðalfundar lesin upp og borin undir atkvæði.
3. Ársskýrsla stjórnar.
4. Fjárhagsskýrsla gjaldkera.
5. Umfjöllun ársreiknings og hann borinn undir atkvæði.
6. Inntaka nýrra félaga.
7. Lagabreytingar.
8. Kosning stjórnar.
9. Kosning uppstillingarnefndar.
10. Kosning skoðunarmanna reikninga.
11. Ákvörðun ársgjalds.
12. Önnur mál.
13. Fundarslit

Vonumst til að sjá sem flesta.



Ungmennafélagið Hvöt óskar eftir að ráða einstaklinga 18 ára eða eldri til að sinna leikjanámskeiði félagsins í sumar.

Um er að ræða 2 vikna námskeið fyrir börn á aldrinum 6-10 ára og miðað við að námskeiðið sé í júní en möguleiki að semja um nákvæmar dagsetningar. Áhugasamir sendi umsóknir og fyrirspurnir á umfhvöt@gmail.com eða hringið í Guðrúnu Ásu í síma 8471149.





**Tökum að
okkur STÓR og
smá verk:
jarðvinnu - tætingu -
snjómokstur -
bílaflutninga,
jarðheflun &
fólksflutninga.**

Feðgaverk

Jóhannes og Guðmundur

Gsm: 848 - 1123 & 868 - 4115

Email: verktaki89@gmail.com



Opnunartími:

Mánudaga:	09:30-17:30
Þriðjudaga:	09:30-17:30
Miðvikudaga:	09:30-17:30
Fimmtudaga:	09:30-17:30
Föstudaga:	09:30-17:30
Laugardaga:	11:00 -17:30
Sunnudaga:	12:00 -16:00

Tilboð eru auglýst á facebooksíðu
verslunarinnar

www.facebook.com/VersluninMinniBorg

Sími: 551-7509

Hlökkum til að sjá ykkur kæru viðskiptavinir.

Aðalfundur skógræktarfélags Grímsneshrepps

**Verður haldinn þriðjudaginn 12. apríl kl. 20.00
á Grænu könnunni á Sólheimum**

Venjulega aðalfundarstörf
Meðal annars kosning gjaldkera og skoðunarmanna
reikninga

Stjórnin



ÍBÚAFUNDUR

*Íbúafundur verður haldinn í Félagsheimilinu Borg
miðvikudaginn 4. maí nk. kl. 19:30*

Dagskrá:

1. *Ársreikningur Grímsnes- og Grafningshrepps 2021.*
2. *Önnur mál.*

Sveitarstjórn



Kæru íbúar,

Nú er komið vor í loft og fuglarnir farnir að syngja. Eins og sjá má í Hvatarblaðinu þá eru margir viðburðir framundan og nóg að gera fyrir þá sem vilja. Tíðrætt hefur verið í samfélaginu um flóttamenn frá Úkraínu og er sveitarfélagið að skoða hvernig það getur komið að því verkefni.

Stjórn Skóla- og velferðarþjónustu Árnesþings bs. hefur fundað um málið en enn ríkir mikil óvissa um hvað gerist og hvað er framundan og því bíðum við bara átekta. Þessa dagana er verið að vinna deiliskipulag fyrir athafnasvæði við Borgarhús og eru vonir um að skipulagið verði klárt í sumar. Það hefur verið beðið eftir svona svæði í sveitarfélaginu og vonandi munu einhverjir nýta sér það þegar það er klárt.

Sveitarstjórn verður með íbúafund þann 4. maí næstkomandi til að kynna niðurstöður úr ársreikningi sveitarfélagsins 2021. Við vonumst til að sjá ykkur sem allra flest á fundinum.

Ása Valdís, oddviti



Grímsnes- og Grafningshreppur óskar eftir að ráða sumarstarfsmann 20 ára eða eldri í fullt starf.

Æskilegt er að viðkomandi geti hafið störf í lok maí og sé tilbúinn að takast á við fjölbreytt og skemmtilegt starf.

Helstu verkefni:

- ✓ Umsjón og verkstjórn með vinnuskóla.
- ✓ Vinna með ungmennum í vinnuskóla.
- ✓ Aðstoða í áhaldahúsi.
- ✓ Önnur tilfallandi verkefni.

Hæfniskröfur:

- ✓ Hafa reynslu af útivinnu.
- ✓ Skipulagsfærni, frumkvæði og sjálfstæði í vinnubrögðum.
- ✓ Bílpróf.
- ✓ Kerrupróf.
- ✓ Kostur ef viðkomandi er með ökuréttindi á dráttarvél í flokki T.
- ✓ Kostur ef viðkomandi hefur gott vald á íslensku og/eða ensku.
- ✓ Þjónustulund og hæfni í mannlegum samskiptum.

Vinnuskólinn sinnir umhirðu, viðhaldi og fleiri verkefnum, oft í tengslum við garða, íþrótta- og útivistarsvæði. Verkefnin geta verið nokkuð fjölbreytt svo sem að gróðursetja, slá og raka, hreinsa beð, grisja skóg, mála, tína rusl, sópa, þrifa, smíða og leggja hellur, grasþökur eða göngustíga.

Umsóknarfrestur er til og með 1. maí 2022.

Laun eru samkvæmt kjarasamningi Sambands íslenskra sveitarfélaga við hlutaðeigandi stéttarfélag.

Frekari fyrirspurnir og umsóknir sendist á sveitarstjori@gogg.is.

Umsókn skal fylgja starfsferilsskrá og kynningarbréf þar sem gerð er grein fyrir ástæðu umsóknar og rökstuðningur fyrir hæfni viðkomandi í starfið.

Öllum umsóknum verður svarað.

Íþróttamiðstöðin Borg

Við leitum að þjónustulunduðu fólki í sumarstarf
frá 1. júní til 21. ágúst. 2022
(lágmarksaldur er 18 ára.)

STARFSSVIÐ OG VERKEFNI

- Gæsla við sundlaug, baðvörslu, afgangið og eftirlit með íþróttahúsi og þreksal.
 - Almenn þrif.
- Umsækjandi mun sækja námskeið í skyndihjálpar og þarf að standa hæfnispróf sundstaða.

HÆFNISKRÖFUR

- Lágmarksaldur 18 ár.
- Hafi þjónustulund og færni í mannlegum samskiptum.
- Dugnaður, stundvísi og samviskusemi.
- Þurfa að standa námskeið í skyndihjálpar og sundpróf laugarvarða samkvæmt reglugerð um hollustuhætti á sund- og baðstöðum.
- Frumkvæði og sjálfstæði í starfi.
- Hreint sakavottorð.

Umsóknum skal skila til forstöðumanns
Íþróttamiðstöðvarinnar Borg á netfangið rut@gogg.is.
Umsóknarfrestur er til 15. apríl 2021.

Nánari upplýsingar gefur
Rut Guðmundsdóttir í síma 899-8841.



SVEITARSTJÓRNARKOSNINGAR 2022

Tekið verður á móti framboðum til sveitarstjórnarkosninga í Grímsnes- og Grafningshreppi í fundarsal sveitarstjórnar 2. hæð föstudaginn 8. apríl milli kl. 11-12.

Kjörstjórn vekur athygli á að ný kosningalög tóku gildi 1. janúar 2022

Kjörstjórn Grímsnes- og Grafningshrepss

Vinnuskóli 2022

Auglýst er eftir unglingum 13 – 16 ára (2009 - 2006) í vinnuskóla sveitarfélagsins frá 6. júní til og með 29. júlí 2022.

Hægt er að sækja um rafrænt á heimsíðu sveitarfélagsins gogg.is, undir þjónusta – vinnuskóli.
Á sama stað má finna starfsreglur vinnuskólans.

Tekið verður á móti umsóknum til og með 1. maí 2022.

Nánari upplýsingar fást gegnum netfangið gogg@gogg.is.



Aðalfundur Ungmennafélagsins Hvatar

verður haldinn í Félagsheimilinu Borg
sunnudaginn 24. apríl kl. 17:00.

Dagskrá fundarins:

1. Síðasta fundargerð lesin
2. Ársreikningur
3. Almenn umræða um starfið, upplýsingar og hugmyndir
4. Kosning stjórnar
5. Önnur mál

Við hvetjum alla sem eru áhugasamir um starf félagsins til að mæta á fundinn og taka þátt í umræðum og hafa þannig áhrif á starfið.

Við óskum einnig eftir framboðum í stjórnarsetu í félaginu og geta áhugasamir sent póst á formann á netfangið umfhvot@gmail.com eða mætt á fundinn og boðið sig fram.

Að lokum óskum við eftir áhugasömum einstaklingum til að leiða lagabreytingarvinnu ungmennafélagsins.

Vonumst til að sjá sem flesta á fundinum til að eiga gott samtal með kaffibolla og veitingum.

Kveðja
Stjórnin



KÓTILETTUKVÖLD

Lionsklúbburinn Skjaldbreiður auglýsir kótilettukvöld
á Minniborgum, föstudaginn 22. apríl kl. 19:30.
Verð 4.000,- kr. á mann

Barinn opinn og bjór á tilboði.

Seldir verða happdrættismiðar með glæsilegum
vinningum. Miðinn kostar kr. 500,-

Vinsamlegast pantið í síðasta lagi miðvikudaginn
20. apríl hjá Gústa á Stærri-Bæ í síma 863-9131

Allir velkomnir á notalega samverustund.

Með kveðju frá Lionsmönnum





Ungmennafélagið Hvöt



	Mánudagur	Þriðjudagur	Miðvikudagur	Fimmtudagur
13:30-14:30				Körfubolti yngri - Floríjan
14:15-15:15			Fótbolti eldri - Valdimar	
14:30-15:30	Krakkablað - Gáa			Körfubolti eldri - Floríjan
15:15-16:00			Fótbolti yngri - Valdimar	
15:30-16:30				
16:30-17:30				Blak - fullorðnir - GÁa
19:30-21:00	Körfubolti - fullorðnir	Fótbolti - fullorðnir		Körfubolti - fullorðnir



HEILBRIGÐISSTOFNUN
SUÐURLANDS

Heilsugæslustöðin Laugarási er opin frá kl. 8.00 – 15.00 alla virka daga.

Tímamantanir og bókaun í símaviðtal er í síma 432 2770.

Blóðprufur eru teknar mánudaga – fimmtudaga.

Athugið Athugið að bóka þarf tíma í blóðprufur og beiðni frá lækni þarf að liggja fyrir.

Lyfjaendurnýjun er á heilsuvera.is

Vetraropnun


Vetraropnunartími gámastöðvarinnar
Seyðishólum frá 1. september til 30. apríl

Mánudaga	Þriðjudaga	Miðvikudaga	Fimmtudaga	Föstudaga	Laugardaga	Sunnudaga
Lokað	13-15	Lokað	13-15	Lokað	13-16	Lokað

Athugið að ofangreindur opnunartími breytist við stórhátíðir.

Lokað er á gámastöðinni eftirtalda daga: Nýársdag – Föstudaginn langa – Páskadag – Frídag verkamanna 1. maí – Hvítasunnudag – 17. Júní – Þorláksmessu – Aðfangadag jóla – Jóladað – Annan í jólum og Gamlársdag.

OPIÐ ER FYRIR LOSUN HEIMILISSORPS
ALLAN SÓLARHRINGINN




Saumakompan

TEK AÐ MÉR MARGSKONAR EINFALÐAN SAUMASKAP

Elsa Jónsdóttir

Sími 864-4642

Bókasafn Grímsnes- og Grafningshrepps



Opnunartímar í apríl:

Mánudaga 8:15 til 12:00 og 15:30 til 16:30
Þriðjudaga 10:00 til 12:00 og 15:30 til 16:30
Fimmtudaga 12:30 til 13:30 og 15:30 til 16:30

Athugið að bókasafnið verður lokað dagana 11. - 13. apríl

Kvöldopnun:

Miðvd. 6. apríl frá 19:30 til 22:00 – **Hannyrðakvöld**
Fimmtudaginn 28. apríl frá 19:30 til 21:30

Gjaldskrá bókasafnsins árið 2022

Bókasafnskort 18-66 ára, árskort 1.500 kr.

Gjaldfrjálst er fyrir börn 0-17 ára, ellilífeyrisþega og öryrkja.

Millisafnalán, fyrir hvert safngagn	1.000 kr.
Ljósritun og prentun á A4 blaði	30 kr.
Ljósritun á A3 blaði og litprentun	50 kr.

Bókasafnskort hefur gildistíma til eins árs. Ef útláns gagn glatast eða skemmist hjá lánþega ber honum að bæta safninu skaðann með nýju eintaki sem hann útvegar og greiðir fyrir sjálfur eða greiða skaðabætur er nema innkaupsverði viðkomandi gagns.



Heilsueflandi Uppsveitir í samstarfi með Heilsugæslunni í Laugarási (HSU) býður eldri borgurum/60 plús íbúum í uppsveitunum til kaffisamsætis í Skálholti miðvikudaginn 6. apríl kl. 13:30-15:30.

Þema ársins hjá heilsueflandi samfélögum í uppsveitunum er andleg líðan og félagsleg virkni og langar okkur í tilefni þess að til að hitta eldri borgara og fagna því að það er vor í lofti.

Dagskrá: meginatriðið er að hittast og spjalla: Maður er manns gaman.

- Gunnar Gunnarsson verkefnastjóri og Jóhanna Valgeirsdóttir hjúkrunarstjóri bjóða fólki velkomið og verða með stutta kynningu.

- Veitingar: kaffi/te, kleinur, Hjónabandssæla og niðurskornir ávextir og grænmeti ásamt kolsýrðu vatni (Holtt og gott úr sveitinni)

- Dagur Fannar Magnússon, nýr sóknarprestur í Skálholti kemur og kynnir sig

- Spjöllum og höfum gaman saman

- Óskalagaþátturinn: farið verður út í kirkju og þar verður samsöngur með Jóni Bjarnasyni organista. Það má gjarnan senda inn óskalög.

Við hlökkum til að sjá sem flesta 60 plús sem búa í uppsveitunum.

Verið velkomin.
Heilsueflandi uppsveitir

Aðalfundur hestamannafélagsins Jökuls

Fyrsti aðalfundur hestamannafélagsins Jökuls fór fram 3. mars. Á fundinum fór fram kosning á nafni félagsins. Fyrst var kosið um öll nöfnin sjö, sem starfsstjórn hafði tilnefnt, Frigg, Hestamannafélag Uppsveita, Jökull, Kjölur, Krapí, Skör og Þrenning. Í seinni umferð var kosið um þau tvö nöfn sem flest atkvæði hlutu í fyrri umferð, en það voru nöfnin Jökull og Kjölur.

Kosningin fór þannig að nafnið Jökull hlaut flest atkvæði. Guðni Halldórsson formaður LH og Hákon Hákonarson gjaldkeri LH komu á fundinn og færðu félaginu góðar gjafir í tilefni dagsins, hestvænan búnað fyrir hindrunarstökk og brokkspírur sem eiga eftir að nýtast vel í starfi félagsins og sérstaklega æskulýðsstarfinu.

Kosning stjórnar fór þannig að Bragi Viðar Gunnarsson, Túnsbergi var kjörinn formaður, aðrir stjórnarmenn sem voru kjörnir:

Ólafur Gunnarsson, Helgastöðum gjaldkeri
Svavar Jón Bjarnason, Reykholti ritari
Ragnheiður Eggertsdóttir, Borg meðstjórnandi
Ragnhildur Stefánía Eypórsdóttir, Flúðum meðstjórnandi
Vilborg Ástráðsdóttir, Skarði meðstjórnandi
Vilborg Hrunn Jónsdóttir, Böðmóðsstöðum meðstjórnandi

Mikil ánægja var á fundinum með að nýtt og sameinað hestamannafélag í uppsveitum Árnessýslu væri loksins orðið að veruleika og að sameiningin myndi lyfta grettistaki í félagsstarfi hestamanna á svæðinu.

Að lokum var sameiningarnefnd og starfsstjórn sem starfað hefur frá því síðasta sumar þökkuað góð störf.



Erum á facebook undir:
E-listi

Frá Búnaðarfélagi Grímsneshrepps

Aðalfundur Búnaðarfélags Grímsneshrepps

verður haldinn í Félagsheimilinu Borg

mánudaginn 11. apríl kl. 20:00

Dagskrá:

1. Venjuleg aðalfundarstörf.
2. Kaffiveitingar.
3. Önnur mál.



Stjórnin



HEILBRIGÐISSTOFNUN
SUÐURLANDS



INFLÚENSA - bólusetningar

Pantið strax tíma í bólusetningu!

Sóttvarnalæknir mælist til þess að einstaklingar fari í bólusetningu gegn inflúensu.

- Einstaklingar panti tíma í bólusetningu á sinni heilsugæslustöð.
- Bólusetning er mikilvæg leið til að draga úr alvarleika inflúensuveikinda, sérstaklega hjá áhættu-
hópum.
- Bólusetning getur veitt að minnsta kosti 60 til 70 prósent vörn gegn sjúkdómnum auk þess sem
hann verður vægari hjá þeim í hópi bólusetta sem veikjast.
- Yfirlit yfir bólusetningar sem einstaklingar hafa fengið er hægt að finna á **mínum síðum í Heilsuveru**.
- Einstaklingsbundnar sóttvarnir sem við þekkjum orðið vel m.t.t. COVID-19 (handhreinsun, grímur,
mæta ekki til vinnu eða í fjölmenni með einkenni) draga einnig úr dreifingu og smíthættu vegna
inflúensu.
- Inflúensa er veirusýking sem einkennist af háum hita, þurrum hósta, höfuðverk, beinverkjum, oft
með hálssærindum og nefrennsli. Einkennin koma snögglega.

Símanúmer heilsugæslustöðva HSU er að finna á www.hsu.is

Kæru eldri borgarar,

Sæludvöl á Hótel Örk

Í ár býður Grímsnes- og Grafningshreppur eldri borgurum, sem eiga lögheimili í sveitarfélaginu, að eiga dvöl á Hótel Örk í Hveragerði dagana 22.-24. maí.

Ef þið hafið möguleika á að nýta ykkur þetta tækifæri og dvelja á notalegu hóteli í skemmtilegum félagsskap, þá væri sveitarfélaginu það sönn ánægja að greiða fyrir ykkur dvalarkostnaðinn á hótelinu.

Það eina sem þið þurfið að gera er að hafa samband við skrifstofu Grímsnes- og Grafningshrepps í síma 480-5500 eða senda tölvupóst á gudrumasa@gogg.is og panta fyrir 9. apríl 2022.

Guðrún Ása
Heilsu- og tómstundafulltrúi.

"Kemur ekki vor að liðnum vetri?"

Vörðukórinn lýkur vetrarstarfi sínu með tónleikum í Skálholti miðvikudagskvöldið 13. apríl n.k. kl 20:00.

Fjölbreytt dagskrá með verkum eftir Bob Chilcott, Hildigunni Rúnarsdóttur, Þorkel Sigurbjörnsson, Loft S. Loftsson, Jón Ásgeirsson ofl. Von, kærleikur, ást og friður.

Stjórnandi kórsins er sem fyrr Eyrún Jónasdóttir og undirleikari Arnhildur Valgarðsdóttir. Sérstakir gestir Vörðukórsins á tónleikunum eru Krístrún Steingrimsdóttir og Joel Durksen.

Aðgangseyri kr 3000, ókeypis fyrir 12 ára og yngri.

Hlökkum til að sjá ykkur og njóta góðrar tónlistar í aðdraganda páska

Vörðukórinn



Íþróttamiðstöðin Borg Vetraropnun

Mánudaga - fimmtudaga kl. 14-21:30

Föstudaga **LOKAÐ**

Laugardaga – Sunnudaga kl. 10 -18

Hætt er að hleypa ofan í laugina
20 mínútum fyrir lokun.

Páskaopnun;

*Skírdagur, laugardagur, páskadagur og
annar í páskum
opið kl. 10-18 alla dagana.
Föstudagurinn langi LOKAÐ*



Heimasíða: www.gogg.is

Netfang: sundlaug@gogg.is

Sími 480 - 5530

Ritstjóri Hvatarblaðsins er Linda Sverrisdóttir.
Ábyrgðarmaður: Þórleif Hoffmann Gunnarsdóttir
Efni í blaðið þarf að berast fyrir 28. hvers mánaðar á eftirfarandi netföng: linda@gogg.is eða gogg@gogg.is